

Entgins patratgs sue la s. Baselgia ed il pur

Autor(en): **Camathias, Fidel**

Objekttyp: **Article**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **25 (1951)**

PDF erstellt am: **04.07.2024**

Persistenter Link: <https://doi.org/10.5169/seals-881390>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Entgins patratgs sur la s. Baselgia ed il pur

da Sur Fidel Camathias, plev., Mustér

Il temps hodiern ha la tendenza de sbassar il stan puril. Ozildi tut che se-catscha els marcaus e centers industrials, cartend d'anflar leu la tiara ded aur e ventira.

Ils avdents dils marcaus, ch' ein per ordinari beinvestgi e fittai, miran bein-duras cun sprez sil pur della caultscha rutta. Perfin affons de famiglias pu-riilas han negin talien de far «il bau de grascha» e semurdergiar per sgar-tar pradas e plauncas, rovens e runtgas carpusas.

Perquei volvan els il dies al puresser e prefereschan de furschar ils mauns avon signeram, ni de luvrar pli paucas uras e gudignar momentan daplì en outras branschas.

Avon 100 onns s'occupavan aunc 93% Svizzers cun l'agricultura, oz eis ei mo 20% pli. Enteifer ils davos 35 onns ein 33000 beins purils spari. Bein han miserias e quitaus scatschau in grond diember de purs dal prau e clavau. Mo la raschun principala de quella digren ei la munconza d'ina vera concepziun dil stan puril per sia clamada, schi niebla e roiala.

1. La s. Baselgia undrescha il puresser

La Baselgia catolica ha adina demussau honor e stema per la clamada pu-riila, suandond la ductrina dil cudisch sogn.

Gia l'emprema pagina della s. Scartira incumbensa il carstgaun de far sub-dita la tiara. L'emprema clamada, che nus cattein sin quest mund ei quella dil pur.

Il Salvader sez plaيدا savens il lungatg digl agricolan en sias semeglias e parabras.

Era ils patriarcs e profets dil Segner han per gronda part luvrau la tiara cantond dasperas laud a Diu en psalms e canzuns.

Medemamein han ils s. docturs della Baselgia undrau il puresser.

Igl uorden dils benedictins ha acquistau, urbarisau e cultivau l'Europa cun agid dil crieic. Oz meinan plirs uordens scolas purilas (p. ex. Bäuerinnen-schule, Ilanz e Pfäffikon-Schwyz)

Ei dess d'emplenir cudischs per descriver ed enumerar tut quei, ch' ils dif-ferents papas, uestgs e spirituals han prestau a favur della clamada dil con-tadin. Buca paucs papas ein oriunds de famiglias purilas.

Ils emprems, che han astgau veser ed adurar gl'affon divin nievnaschiu, ein stai purs e pasturs.

Al ss. Sacrament digl Altar ha Niessegner dau il vestgiu exterior de paun e vin. Quel che cultivescha la tiara ha pia l'honor nuncomparabla de producir e furnir al Salvader eucaristic ses products.

El semna glin e la dunna purila teissa il lenziel, che cuviera calisch ed altar. Ses aviuls procureschan la tschera per las candeilas ed igl ieli nutrescha aunc tscheu e leu la glisch perpetna.

Per scadin mortori unfrean nos babuns il stèrpieun e graun per la spenda. In agen ugau administrava la spenda e destribueva la primavera al pauper pur il sem necessari per sia semenza.

Simon de Cyrena, che vegneva ual da siu frust prau, ha giu la grazia de purtar in tschancun la crusch dil Salvader sin viadi a Golgatha.

Il pur astga esser loschs della carezia preferida della s. Baselgia.

2. Agid della s. Baselgia al puresser.

Quei ch'ins stema sesprova ins era de mantener e sustener. Perquei distribuescha la s. Baselgia alla clamada purila nundumbrevilas grazias. Buca ch'ella negligess perquei las autras clamadas, na, mo sias benedicziuns e sacramentalias portan savens in character dil tuttafatg puril.

Cun tgei carezia benedescha ella jarvas e flurs, ovs, paun e sal per il muvel e diever dil pur!

La jamna sontga astga il contadin fermar la palma benedida en nuegl e suenter arar fitgar ella en prau ed èr.

Avon ch'ir loschamein a cuolm ni ad alp cun sias caras puschas, segna il pur scadina cun cotgla benedida dalla s. Baselgia.

Ses spirituals benedeschan lur armauls ed animals, lur avdonzas, ils nuegls e mulins, lur carschientscha e raccolta. Els visetan clavaus, tegias e feclers. Biaras oraziuns — ina pli biala che l'otra — dattan perdetga dil quitau della s. Baselgia pil fatg puril.

La Baselgia scatscha e scongiurescha malauras e tempiastas, interceda per sulegl e plievgia fructifconta.

Dalla anflada della s. Crusch (3 de matg) tochen alla alzada della s. Crusch (14 de settember) compart ella di per di la benedicziun dell'aura culla particla della s. Crusch.

Mo ella secuntenta buca cun quei. Ils dis dellas Rogaziuns, de s. Marc, de Sontgilcrest, de s. Placi ed a nundumbrevilas autras caschuns fa ella processziuns ed oraziuns pil pur e siu fatg, per interceder prosperaziun alla lavur e speranza al contadin.

Da Buania segna ella sur la sava digl esch-casa e nuegl cun rida benedida las treis cruschs ed ils nums dils Treis s. Retgs.

La stad ascenda il spiritual schizun las alps per urar sper la crusch-lenn e per dar a pasturs e muvel la benedicziun divina.

El fa savens la stad la s. Messa avon il Sontgissim ed autras funcziuns liturgicas per protecziun ed agid al pur.

Da s. Mihel engrazia la Baselgia cul pur e sia fumeglia per la benedicziun divina.

3. Ils sogns della Baselgia gidan il pur.

Per obtener agid divin mobilisescha la s. Baselgia sogns e sontgas d'interceder per pur e puresser.

Nossadunna de mars roga per cardientscha ed ina buna primavera. Nossadunna della neiv pertgira la spigia da neiv e scheltiras,

Per Assumziun (ND d'uost) supplichescha la Baselgia siu fegl divin de benedir jarvas e flurs.

Il pur careza siu muvel, selegra de siu prosperar ed ei loschs della miseria e pugniera. Pertgei buc? Ei drova denton mo ina malsogna en nuegl e tut sia ventira ei scardalida. Perquei dat la s. Baselgia agl agricolan in'entira retscha de sogns e pussents protecturs de siu muvel.

S. Antieni (17. I.), s. Brida (1. II.), s. Valentin (14. II.), s. Bistgaun (20. I.), s. Raimund (31. VIII.), s. Leonard (6. XI.), s. Vendelin (20. XI.), s. Stiafen (26. XII.), s. Guarino (6. I.) etc. ein tuts enconuschents ed amai muort lur agid encunter las malsognas dil muvel.

Il pur tema denton buca mo las malsognas dils armauls, el ha sgarschur aunc d'autras tortas dil Segner.

Urezis, stempraus e garniala san manizzar e destruir ad el en cuort temps tut il fretg de sia dira e stentusa lavur.

Puspei interceda per el avon il tron divin s. Gioder (15. IV.), s. Medard (8. VI.), s. Bernard de Mentone (15. VI.), s. Margreta (20. VI.), s. Giacum (25. VII.), s. Gion e s. Paul (26. VI.) per agid e schurmetg.

Ils spirituals fan oraziun ed il zenn grond plira muort «las auras».

Signivescha la vermaneglia en frusts e fretgs, lu sevolva il pur a s. Magnus (6. de sett.) per agid. — S. Gada (5. II.) protegia casa e clavau da fug e flomma. —

Smanatschan auras, lavinias e bovas, anfla il puresser pussents protecturs en s. Gion Nepomuc (16. V.) e s. Paul (28. VI.).

Furiescha la febra en casa e combra, en nuegl ni muletg, lu gida s. Sigismund (1. V.)!

Las frastgas de s. Gion Battesta (24. VI.) e de Sontgilcrest mischeida il pur el pavel avon che catschar siu muvel ad alp, e cun la cotgla de s. Luregn (16. VIII.) noda il pur siu muvel. L'enzenna benedida de s. Benedetg (21. III.) scongiurescha mals e strienems dal nuegl.

Tuttina ei la clamada purila beinduras engreviada de cruschs e quitaus, che fan piarder la pazienza e perseveronza, curascha e tschaffen. Perquei glischan sur la clamada dil contadin pussents patrums e protecturs:

s. Lucio (5. XII.) e s. Uguezzo, che vegnan representai cun in toc caschiel

e la sgarmera enta maun, s. Patricius (17. III.); s. Isidor (10. V.); s. Germane (15. VI.) ect..

S. Ursula (21. X.) protegia las puras e dunnauns. Pli baul unfre van las puras en claustra a Mustér da sia fiasta e per engraziament tarlischontas poppas-glin, che survevan lu per la paramenta claustrala.

La fume glia purila venerescha bugen s. Notburga (13. IX.). Per finir lein nus aunc menzionar s. Clau de Flia (25. IX.), sco exempel dil pur e s. Antoni de Padua (13. VI.), che vegn imploraus per tuts pusseivels basegns.

La Baselgia e ses sogns accompognan e gidan il pur a scadina lavur e protegian el de scadin prighel ni mal.

Il pur ha negina raschun de piarder la curascha ni de schar stermentar da cruschs e quitaus. Sch'el viva culla Baselgia, sanctifichescha dumengias e firaus, sevolva culs sogns a Diu per agid, lu diregia il Segner segiramein ses pass e benedescha sia biala e sauna clamada.

Nos purs babuns eran cumpleinamein pertscharts de quella verdad e perquei ha negina clamada schendrau tonts usits religius d'ina bellezza poetica e fina.

4. La Baselgia protegia la cultura purila.

La s. Baselgia ha schizun demussau gronda capientscha per quels numerus usits, ha favorisau ed augmentau els. Ella ei stada la meglia protectura e fautura della cultura purila. Quella ei fetg veglia e cuntegn tscheu e leu enqual tratg paganil.

La Baselgia havess tgunschamein giu la pussevividad e pussonza de supprimer tals usits e semegliontas disas.

Ella ha denton buca scumandau tals, anzi, transulegliau ed empleniu els finamein cul spért cristian e catolic. Aunc oz sedosta ella da tutta forza pil manteniment della biala cultura purila.

Nus cattein daveras nundumbreivels mussaments della carezia materna della Baselgia per la dira clamada purila. Sco ina buna mumma ha ella quitaus per siu beinstar spirtal e material, beinsavend ch'il stan puril dat ad ella bia buns e fideivels affons de Diu e buns burgheis pil beinstar general.

Perquei vegn ella mai ad engaldir quella clamada, schiditg sco ei dat aunc in pur sin quest mund.

Appreziescha e stema era ti quel. Dai a sia clamada in cuntegn e spért, che distacca tei dal materialissem terreste ed aulza tiu cor a Diu ed alla Baselgia, e conta la cantada alpestra cun s. Margreta.

(Comparida en in Glogn de pli baul)